


05.

Я. 486.

Якстерь Галстук  
1940 г.





# ЯКСТЕРЬ ГЛАСТУК

1958г.



1 <sup>чт</sup> № 1940

Сембе масторонь пролетариятне, пуромода марс!

# ЯКСТЕРЬ ГАЛСТУК

(Красный галстук)  
**ЖУРНАЛСЬ**

Лисенди 7-це кизось

1-це №  
ЯНВАРЬ

1940 к.

Пионеронь и школьниконь эрь  
ковня лисенди журнал.  
НОЛДАЙНЗА: ВЛКСМ-нь  
Мордовская обкомсь и  
МАССР-нь НКП-сь

## НОМЕРСА СЪОРМАТФ:

Клятва—народнай мора . . . . .	2
Тонь заветтень коряс сембе эряфсь тиф—(рус- ский сказ) . . . . .	3
Е. В. Андреева—эряфонь порогть лангса . . . . .	5
Ленинонь ширеса . . . . .	10
Панттень фтала валдошкдсь . . . . .	11
В. Саблин—Самараса (рассказ) . . . . .	13
Я. Пинясов—Кузньят ваксса . . . . .	17
Антон Павлович Чехов . . . . .	18
Алемаев—Йолка . . . . .	20
Я. Пинясов—Од киза . . . . .	21

Ответственный редакторть инкса И. ЧУДАЙКИН.

Лит. редакторсь Г. ПЬЯНЗИН.

Художественнай оформлениась К. МОРОЖИХИНАТЬ.

Сдано в производство 1 января 1940 г., подписано к печати 13 марта 1940 г.  
Формат бумаги 72 × 105<sup>1</sup>/<sub>16</sub>. Объем 1<sup>1</sup>/<sub>2</sub> п. л. Уполн. Главлит Б—352. Тираж 1000 экз. Заказ 997.


г. Саранск, тип. «Красный Октябрь».





КНИГОХРАНИЛИЩЕ  
МОРКОВСКИЙ РЕСПУБЛИКАНСКАЯ  
БИБЛИОТЕКИ





# КЛЯТВА

Рисункась К. Марожихинать.

## Перевод осетинскаяйста.

Ленинда инголе лама кулость ломаньда,  
Ленинонь куломац сединьконь срафтсь.  
Молеме лазксть мельге, кандынек флакнень,  
Вармась морозть вишкста лангозонк прафтсь.

Сёксенда паксяса равчкоды тишесь,  
Шись модать алу илядти сувай,  
Сембось лиякстоми, пингсь ляды фталу,  
Ленинонь лемоц куватьс аф юмай.

Учань стадастьнень сембонь минь кадоськ,  
Лов, буря пачк лама вайгяльбе катф,  
Топодемс ольксеме сетьме лазксть ваксса,  
Конанди келгома Лениноньке матф.

Пандонь яннятне кемоста эйндасть,  
Вармась, лов бурясь эсонок матсь...  
Шовдалгодсь менельсь, минь молеме цельти,  
Ленин эсь эздонза лямбеши кадсь.

Куломста кельгома ялганцты, брадонцты—  
Сталинти—ваномс судьбаньконь сон кадсь,  
„Козятнень эзда, брат, ашуфнень ваныть,  
Эряфть тон тик, кода тонафтсь тонь братсь.“

Сталин лиссь ризфу арсемать эзда,  
Ломаттнень инкса сон кирдсь сельмеветть,  
Клятва сон макссь, седись арась фкя лаца  
И учителенц седис сон путозе кядть.

Сьоксенда паксяса равчкоды модась,  
Менельти юмси дуцять фтала тяштсь,  
Но Ленинонь лемоц куватьс аф юкстави,  
Сувась сон пяк кемоста эрь ломанть мяштсь.

Йотафтозе С. САМОШКИН.




# Тонь заветтнень коряс сембе эряфсь тиф

(русский сказ)



Нят аф вармат вяшкихть якшамот,  
Аф шувархт шудихть пяк казямот,—  
Танга горясь пандокс кепотькшни,  
Кяжи равжа дущань кондяма.  
Йондол мархта цярахман атямкс  
Оцю горясь прась минь седизонк,  
Равжа горясь тя аф кандомшка,  
Кяжи даволти аф срафтомшка,  
Шуди шуварти аф саламшка,  
Равжа дущати аф вельхтямшка.  
Сельмоведне шудихть шудерьксокс.  
Сельмовеद्यтон, ляйнякс шудиди,  
Вельфке пяхкоди сенем морясь,  
Крхка ляйхне лисихть берягстост,  
Кеме кевське пакшкянь лазови,  
Ару золотась мянь памори!  
Кда аралень мон яснай соколкс,  
Кда аралень сизай гулянякс,  
Али вишкста лии пзыгатакс,  
Афольхть куле куркстон ризфу валхт,  
Сяпи сельмоветть афолень прафне,  
Эста тулень мон вишкста лиеме,  
Йофсикс Москуть вельксс мон лиелень,  
Кремлянь стенати, кевста марафти,  
Мавзолейти мон эста валголень.  
Эста б мололень мон Ленинти,  
Тейнза мярьголень: шиняй валдоняй,  
Кода сембось полафтсь эряфса.  
Вона сатт панжихть—колхознайхть синь,  
Панжихть паксят ватт—колхознайхть синь,  
Шиста шис тейнек эряфсь валдоми!  
Иденьке минь сембе тонафнихть,  
Цёраньке минь—соколхт менельса,  
Стирьхне тракторхт водяйхть паксяса,  
Семьяньке эряйхть—паршинь улиса.  
И работась кядьсонк споряйкстомсь,  
Палы кельгомась минь седисонк  
Тюремацень тонь, подвиکنень инкса.  
Инксонк работать тон апак сизьсек,  
Ашить ужалде инксонк йонцень разумцень,  
Палоть инксонк тон пяк оцю тол маркс  
Мезе арьсекшнеть тон эста, сембось эряфс тиф!  
Тонь заветтнень коряс, тонне арьсефцти





Сталин вятемазь минь, павазти.  
 Орелхнень эзда орелонь лефкст шачихть,  
 Лийкснихть конатне вишке соколнякс.  
 Океатне фкя-фкянь мархта кровнай братт,  
 Сталин Ленинти, ащи кровнай брадкс  
 И тевс коря, и мяльс коря, тевонь тиёмас коря,  
 Лиёмаса, вишке соколонь просторс коря.  
 Мольхтяма минь Сталинтть мархта, кода Ленинонь,  
 Корхтатама Стāлинтъ мархта, кода Ленинонь,  
 Содасыне сембе арьсеф мяленьконь,  
 Эряй инксонк, колганк заботяй,  
 Сон мин инксонк палы валда шикс.  
 Минцонк ломатть, аш родфтомот тяни,  
 Кажнайть ули тядя—родинац,  
 Аш удават сиротат, солдаткат аш,  
 И батраконь ризфу эряф аш,  
 Паксясонк аяш нярьхкамаст, марошт.  
 Кели валдоня киньке инголенк,  
 Павазс, радости сон минь вятьсамазь.  
 И минь вятьсамазь тя янга видеста  
 Инь кельговикс большевистскяй партиясь.  
 Валда павазти тя киньке минь  
 Аф срафтови равжа варманди,  
 Аф вельхтяви буран шуварти,  
 Крхка ляйтиге аф шудеви,  
 Равжа дуцяти аф кяшеви.

Йотафтозе Г. Пьянзин.





# Эрэфонь порогть лангса

Рисункатне К. Марожихинать.

1879 кизоня Симбирскяй гимназиянь васенце класса появась Симбирскяй губернянь народной училищань инспекторть эрек и резвай цюрац—Володя Ульянов.

Тонафнемань васенце четвертьста, кода, в прочем и сембе последующай пинкне, ёлма Володять тонафнемаса ульсть отличнайхть. Благодаря эсь блестящай способностензонды, сон сразу арась васенце ученикокс. Но сон ульсь аф сят ученикнень лаца васенцекокс, конат переменатнень пингстовок ашезь кадонда кядьстост книгаснон. Сон фкакс ульсь оживленной, веселай. Сон лама ласьконди, рахсесь и всякай лаца старандась кеподемс мясьнон стама неповоротливай ялганзон, кода мон. Цебярь погодань пингста, мзярда оцю переменить пингста ученикне занимандасть пирьфса гимнастикаса, сон пяк ловкайста тиендсь упражненият канат вельде, олга вельде, турник лангса и куцема лангса.

Монь ляденди мялезон, што, аф ваномок эсь резвостенц лангс, Володя младшаень класснень эсаките пяк отличандакшневь эсь аккуратностенц мархта. Сон, например, пчкясь афолезе няя кодамовок беспорядкать эсь ученический партанц эса: тетраденза сонь фкакс ульсть путфт фкя ширеса, книганза—омбоце ширеса, а пеналоц карандашензон и перанзон мархта ашезь синь ёткскост.

Урокса Ульянов мзярдонга изь баловандакшне и ашезь занимадондакшне лия тевса. Нльня чистописаниянь и рисованиянь урокнень эсонга, конат пяк шумнайста ётнесть, сон ашезь спокойна и тиендсь букват буква мельге, или рисовандась путф модель.

Сят пинкнень эзда Симбирскяй гимназиянь ученикне явондовсть „приходящайс“ и „пансионерс“. Ульянов ульсь приходящай, а мон, кода сирота, улень примаф казеннай счетс гимназиять видеса пансиону.

Эряфсь пансионца ульсь однообразнай, скучнай и строгайста явонтф часс коря. Сидеста эрсельхть директорть распоряжениянц коряс пансионца ученикнень вещаснон йоткса обыскт: вешендсть запрещеннай книгат, конатнень йоткс сувсесть Чернышевскяйть, Герценонь, Добролюбовонь, Писаревть и лия свободамыслящай писательхнень произведения.

Володя кой-мзярда макссекшнелъ тейнек книгат и Чернышевскяйть „Что делать“ романонц мон получайне, именна, сонь кядьстонза.

\* \* \*

Минь гимназиясонк преподавательхнень эзда инь сембода пяк кельгоськ русскяй литературань учительть Пятницкайть. Сон увлека-



тельнайста и интереснайста азонкш-  
нелхценъ русскый писательхненъ  
эряфснон и тюремаснон, сон пяк  
кельгозе корхтамс минъ мархтонк  
эрь гражданинтть общественнай  
долгонц колга. Мекольденъ пингтъ  
сонъ панезъ гимназияста вольно-  
думстванкса, и минъ пяк горява-  
ме инксонза.

Азондомок тейнек Пушкинонь  
лицейса эряфонц колга и пяк шна-  
зе лицейскый журналтъ, кона нолявсь  
Пушкинонь и сонъ ялганзон мархта,  
сон шачфць минъ прязонк мысля  
ученическый журналонъ нолдамать  
колга, но мыслясь тя ульсь пях-  
котъф аныцек гимназияста Пятниц-  
кайтъ тумдонза меле.

Володя Ульянов, Костя Сердюков  
и мон кярмодеме журналтъ органи-  
зовандаманцты. Минъ арьсесък терь-  
демс тя тевти сембе эсь ялганъконъ,  
конатненъ ули мяльсна, желающа-  
да ульсь аф лама. Но сят, конат  
шарфтсть мяль минъ призывонъкон-  
ди, кемоста кярмотеть тевти. Теснай  
дружбасть сотондомазь минъ сембонъ  
журналса участникненъ. Журналсь  
сёрматкшневьс кядьса, сёрматкш-  
невсь минъ вельденклама экземплярса  
и распространядондакшневьс аныцек  
старшай классонъ ученикненъ йот-  
кова. Ульянов Володять нюрхкяня  
статьянза эрь пингова кепсезь минъ  
мяленьконъ пяк шарьхкодевиста  
сёрматфснон, лифтьф кизефксненъ  
серьёзностьснон мархта.

Журналонъке минъ ульсь „под-  
польнай“. Сон ульсь запрещенай  
гимназиянь начальствать вельде ся  
пингта меле, кода фкя препода-  
вателень кядьс случайна повсь фкя  
номер, конанъ эса сатомшка крити-  
чески шарфтоме мяль гимназияса  
существующай порядкатненъ шири.  
Сидеста минъ пуромкшнеме гимнази-  
яда башка лия вастс и оцю оживления  
мархта лувонкшнесък сёрматфть.

Минъ произведенияньконъ колга  
Ульяновъ мнениянзон мархта минъ  
фкакс согласиндакшнеме, хоть и  
спорхненди и разногласиятненди  
ашель певок, сяс мес кажнайсь минъ  
эздонк пяк кемоста отстаивал эсь  
взглядонзон и убеждениянзон.

\* \* \*

Недлешитненъ и лия праздникненъ  
пингста церькаву якамась ульсь сем-  
бонди обязательнайкс стане жа, кода  
и страстной неделеста „говениясь“. Гимназисттне, конат очижинъ ка-  
никулхненъ пингста тушендсть сим-  
бирскый ошста, должетт ульсь кан-  
домс удостоверения местнай попть  
кядьста сянъ колга, што синъ ульсь  
исповедьса и причащафтсть. Улья-  
нов, подчиняндамок дисциплинати,  
якась говендама сембонъ мархта мар-  
са гимназическый церькаву.

Кода бди вестъ споведафтомда  
меле мон учсине Ульяновъ. Сон  
ульсь ширмать фталасяшкава кржа  
пингс, што мон нльня шарфтонъ мяль:

— Мезенкса попсь тонъ тяшкава  
курок нолданзеть?—кизефтинен мон.

— А мон, штоба сяда курок ворь-  
годемс попть эзда, азыне мон инголь-  
киге, што сембоса грешнаян,—отве-  
чась Володя рахсеманъ пачк.

Володянь инъ кельговикс занятияц  
ульсь шахматса налхкомась. Налхксъ  
сон сембонъ коряс цебяръста. Воло-  
дя сидеста упражняндакшнесъ тя  
налхкомаса алянц мархта и Алек-  
сандр старшай брадонц мархта. Сон  
минъ эсонк тонафтсь всякай ход-  
тненди.

Вестъ кода-бди тялонъ илять  
мон сатыне Володянь Сердюков-  
тненъ ширде. Мзярда мон санъ синъ  
кафцьке налхксть шахматса, а омбо-  
це комнатаса ащесь Костянь тядяц и  
работась керосиновой лампанъ шоб-  
да тол валда ала. Ванондомазень,  
кода синъ налхксть шахматса, мон







ашине кельге, мон кельгиене налхкомазень монць.

А шоворькшнемс синь теvozост и макссемс советт и корхнемс тиф хоттнень колга, тейне ашезь марьгонде Володя.

Старшаень класснень эса Володя арась особенна резкайкс, и кой-кодама пингста мархтонза арсевсь нльня стака корхтамска. Но минь ингольцексокс сонь пяк кельксаськ и протиндакшнелеськ тейнза семботь, сяс мес содаськ, што сон имафтозе алянц и пяк ризнась сонь инксонза.

Кафксоце класса сонь долязонза прась нинге сядонга стака переживания. Тя ульсь сонь старшай брадонц Александрть арестовандамац и казнендамац.

Мон мзярдонга аф юкстаса майскяй ламбе илядть и экзаменда инголе монь случайнай васедемазень Володять мархта Венца.

Ужнамода меле пансиононь душной помещениать эзда сась мяль тумс свежай воздухти. Мон лисень ульцяв и тунь привычной киге, морамок кати кодама мороне, тунь Венцев. Иотамок беседкать вакска, мон няйнь ломанень цильф, кона пяк сосредоточеннай мяльса ванць ичкози Волгать шири. Аф шарфтомок мяль стяда ащи фигурировать лангс, мон сякокс молень инголи вярге вайгяльса моразь.

— Мес жа аф аноклат экзаментнени?—Маряйне мон эсь фталдон Володянь вайгяленц.

Кенярьдемок тя васедемасть эзда, мон молень Володянь малас и няине, што сон кода-бди пяк средоточеннай и грустной. Мон озань ряцек сонь мархтонза и кармань кельгозь ваноме Волгать шири ведть лангс. Володя ащесь и мезевок изь корхта, аньцек стакаста уфкснесь.

— Да мезе тонь мархтот?—Наконец кизефтинь мон.

Сон шарфтозе шаманц монь ширезон, йорась мезе-бди азомс, но, шарфць меки и мезевок ашезь аза. Мон арьсень, што сон горявай алянц, али беспокоиндай брадонц Александрть колга, кона, кода минь содаськ ульсь арестовандаф марса лия студенттнень мархта Петербурга.

Мон старандань рассеить сонь ризфонц и беспокойстванц, но мезевок ашезь лезда. Мон содаине, што Володя башка пингова уленць веселай, а башка пингова ульсь аф людимай и тяфтама пингова ашель мялец корхнемс ялганзон мархта. Но иляць улсь стама сетьме, што сонць природась успокоендакшнень ломаттнень и тердсь цебарь настроенияс. Мон азыне нят мяльнень Володянди. Эста, аф ламос сетьмоста ащемда меле, сон азозе тейне, што майть 8-це шистонза казнендаф сонь брадоц Александр, конань обвиняндазь Александр III оцязорть лангс покушениянь анокламаса.

Тя кулясь монь лихтекшнемань ёньда.

Горбонгодозь ащесь озада Володя сьямнять лангса ряцек монь вакссон. Корхтамс массатнень ширьде саф мыслятнень колга ашель возможность.

Ламос минь тяфта ащеме озада и мезевок ащеме корхта. Наконец Володя стяссь, и мезевок апак корхтак, минь туме ошу. Молеме валомне. Мон няине Володянь крхка горянц, и маряйне сонь кеме решимостенц, конань мархта сон особенна ульсь взволнованнай тяни. Мон невольна дивандакшнень сонь оцю выдержканц и эсь прянц кирьдемаса маштоманц лангс.

Явомок эздонза, мон кемоста люпштайне Володянь кяденц. Ваном



мок монь сельмонзон, сон отвечась  
кядень люштамати, вишкста шар-  
фтсь и тусь куду.

Тунда 1887-це тяка жа кизоня  
Володя Ульянов аделазе гимназиять  
золотой медаль мархта и тяка жа  
кизонь августста поступил Казан-

ский университетть юридическый  
факультетозонза.

Д. М. Андреевть нят воспоми-  
наниянза, кона тонафнесь Сим-  
бирский гимназияса Владимир  
Ильичть мархта. Сёрмадозень  
сонь уноконяц Е. В. Андреевась.





# Ленинть шифреса

Алянке минь кровельщикокс ульсь, работась Смольнайса, да эстакиге революцияда инголе и кулось. Нльня жалованияцка илядсь апак получак. Временнай правительствась эвондась, тядянке тусь ярмаконкса, а мрдась обижафста. Аньцек кизефтезь:

„А тон, бабаняй, няить, кода ватракшне арнихть?“.

Тялось минь люпштамазь, тядянке корхтай:

— Сембе Ленинть шнайхть тyani, аф шаштомс ли тейне Смольнай?

Весть шовдава стяме—аш бабаньке. Арьсетыама—обедняса, а сон бльшай Смольнай уйсь... И арседевака! Шашнесь, шашнесь тоса кабинеттень эзга, да Владимир Ильичть ширес повсь. Съормады сон, сими конфет мархта кельме чайда...

Сон ёфси ашезь арьсе, што тя самай сонць—эста портретта кржа ульсь,—и кизефни:

— Тон, сударь кодама тевсат: съорматкшнят, али тефт кочксят? Сон пейдезевсь:

— Кода сави, сударыня. А тейть мезенди?

Мондейне ломаттне Ленинти мяргондсть молема, Владимир Ильич-

ти. Корхтайхть, тонь тевцень, Федосья Никитишна, сембе начальникнень эзда аньцек Ленин может кочкамс... А мон ванан тонь лангозт, конашкава эрязста съормадат, и арьсян: конашкава господинць грамотнай!—уж наверна, аф последний начальникнень эзда... Коста тейне Ленин мумс, аф лездатли тейне?

Спокойна озань, и нюръхкяняста азондыне тевозень.

Сельмонза сонь веселайгадсть, рахси:

— Верна, Федосья Никитишна... Ленинфтомонга тевть тисаськ.

Тердсь сотрудник, съорманя книжканястонза макссь: „Ялгай курокона тик Федосья Никитишнань тевонц“.

Тядянке сась куду, ярмакт няфни:

— Сембе начальникне Смольнайса пархт! Ленинфтомонга тевть тиезь.

А когда меле базарста кандсь фотографическый карточка:

— Вов рамань начальникть, конань мархта кабинетса ащень... Минь варжакстOME и дивандаме:

— Тядяй, да вдь ся Ленин ульсь! Сёрматф 1928 кизоня Севернай машина киса.



## Пантнень фтала валдашкaдсь

Вов шись ни пантнень фталда штaдсь,  
Вов тaни прокс нюрхкалгaдсь весь.  
Вов стaсь, одёжa щaсь эвенксь,  
Вов гальцят кядезонзa шaфтсь.  
Вов варжакстсь сембе шири сон,  
Вов пантнень шири кельгозь ванць,  
Вов шить сон няи, сонцень шинц.  
Вов тa—минь Лениноньконь валдсь,  
Вов тa—сонь партияц—сонь шиц!

Рузкс ётафтф эвенкийскaй кяльстa.  
Рузонь кяльстa ётафтозе А. Чекашкин.

Сёрмaтф 1934 кизоня

А. Салтыкинть-валонзон коряс,  
22 кизонзa. Иркутскaй областень  
Киренскaй район.







Валериан Владимирович Куйбышев.



# Самараса

(Рассказ)

Ливоськотф вальмятнень пачка Куйбышев нйсь аф кели ульця, конань эзга шудесь пизем ведь. Вярде алу косой карьсокс тарксеф прай пиземть эзда эрьхконятненди тиендевьсть ведьбайкт и лопиясть, конатнень сюнеда рябойготкшнесь ведсь.

Ревкомть инголе стройсевсть фкя ширенгова якстерьгвардейцне, конат тушендсть Самараста Оренбургу—Уральскый казачествать атаманцнон Дутов генеральть каршес вожавама.

Куйбышев путсь прязонза картуз и панжезе келес балкононь кенькшть.

Кядензон кемоста кундазень чугуннай кельме перилатненди. Пизе-монь путьксне кеворькшнесть воротниконц алу, конат шудесть картуз козырекстонза.

— Ялгат! — вярьге вайгяльхть иватсь Валериан Владимирович.

Стройса ащи якстерьгвардейцне сетьмоствь.

— Мезе аф нямс.—ушедсь Куйбышев,—эряви кирьдемс Дутовть. Вдь сонь целец—перямс Москуть и Питерть Сибирскый и южно-уральскый кшить эзда.—Сон лоткась, кеподезе воротниконц и стакаста ушедсь корхтама:—кинь лафча седиец, кие пели, ся катк тяникиге лиси рятнень эзда...

Якстерьгвардейцне аф стройнай-ста ивадсть „ура“!

— Павазу ки, ялгат!—Куйбышев шарфтозе прянц вельф картузонц и тусь балконцта.

Кабинетсонза Куйбышев васьфтезе Карасевичть. Тя ульсь серес аф оцю и равжа шярь, колмагемончка кизоса аля. Куйбышев ламоксть васьфнезе сонь самарскый митингтнень эса.

— Минь аф знакомайхтяма,—кялень повондозь азозе Карасевич,—но судьбаньке кой-кодама тевса минь васетьфнемазь ни..

— Тон эсерат?—сетьмоста пшкядсь Куйбышев.

— Да. Между прочим, мон и сянкас тейть сань. Минь ёратама, минь настойчива ёратама марса работамс тинь мархонтт.

Куйбышев арьсезевсь.

— Работамс марса можна,—но эряви примамс минь программань-конь.

— Тонь видеце. Абсолютна видеце. Минь аноктама обсудить и тинь и минь программаньконь...

— Обсудить?—Куйбышев лоткась Карасевичть инголи, корхтазевсь вишкста и тактно:—Тинь программаньтень обсуждать минь ашмяленьке, а миннеть обсуждать аф мярьктяма. Кафтть эзда фкять: или



минь мархтонк, минь программань-  
конь коряс, или миньфтемонк.

Тя пингста несколько ломань су-  
васть ревкомста.

Карасевич эводьф сельмоса ва-  
нонды синь равжа кожанкаснон  
лангс, конат каркссефт од шнаса,  
заикандазь кизефтезе:

— Тя тонь мельдень валце?

— Мельденнесь. Прощайте, граж-  
данин.

— До свиданья.—Карасевич кар-  
мась тума кенькшть шири, панжезе  
кенькшть и пеетьчнесь пшкядсь:

— Надиян, нинге васеттяма...

Мзярда кенькшсь сонь мельганза  
сёлговсь, Ревкомонь четтне виш-  
кта кружась Куйбышевть. Шамас-  
на синь ульсть тревожайхть, кувал-  
готфт.

— Мезе нибудь тиевсь?—беспо-  
койнайста кизефтезень Куйбышев.

— Кепотсть восстания сапёрхне,  
—отвечась од рабочайсь, йолма, но  
пидезь пида равжа сельмоса цёрась,  
нежедемок фкя кенерьбакарь лангс  
вальмекасякти.

Валериан Владимирович сус-  
козе трванц, стакаста путозе кенерь-  
бакаренц тяка жа вальме касякти.  
Клянцекть эзга кичкормувор шу-  
десть пизем путьксне. Пиземс ин-  
гольцекс рябойготфнесь эрхконят-  
нень эса ведть.

— Мезе синь вешихть?—Кизеф-  
тезе Куйбышев, аф шарфнемом  
шири прянц вальмять эзда.

— Синь синць кода эряви аф  
содасазь, мезе мяльсна,—отвечась  
од цёрась.

— А тон синь...—Куйбышев аф  
ламос сетьмось, ниймок, вешенди  
эрявикс вал,—а тон варчсить?

— Ага.

Куйбышев шарфтсь цьорать шири,  
видеста варжакстсь сонь сельмо-  
зонза.

— Ну, корхтак жа!... Мяльсна ли

служамс? Или синь проста можнат  
кучемс кудгаст? Аф содасайть? А  
корхтать: „варчсине“. Сапёрнай  
батальононь солдаттнень аш сяда  
ламос мяльсна служамс. А кда тяфта,  
эряви инь курукста синь сембонь  
демобиловать, кинь мялец, катк  
туй куду.

— Нолдамс сапёрнай батальонтть  
можно,—возразил средний кизоса  
ломанць, лысина мархта, конань  
лангс пяк уряднайста сентьфт ля-  
дыкс шяяренза.—Но...

Сон таки исыця адела эсь корх-  
таманц. Апак учентт кулевсь взрыв.  
Мельцетне трнатозевсть: комнатаса  
уликс сембе ломаттне прашендсть  
мастору.

Матсь электричествась. Общий  
суматохаса кие-бди ушедсь ляцен-  
дема.

Вию мокшендаса Куйбышев тулх-  
миезень эвотьф ломаттнень. Сон  
ётась кенькшти, кона лиси кори-  
дору, и панжезе сонь келес.

Сонь сельме инголенза панжевсь  
тяфтама картина: зданиять колмо-  
цекс пялькссоц ульсь калафтф.  
Комнатась, коса мольсь Ревкомть  
заседанияц, кармась нюрьгома вес-  
тибюлень стенатнень и лестничнай  
клеткаць вельксса.

Ала, васенце этажсь ушедсь па-  
лома. Толть тюже кялец кармась  
нолсемонза тумонь кенькшть, вишк-  
ста курякснесть кой-кона илятф  
перилатнень ланга.

— Ялгат, ащеда спокойнаста!—  
Мезе ули вайгялец ивадсь Куйбы-  
шев. Сон эцесь письменнай мор-  
кшть ваксс. Тяса алудонь, кяржи  
ширеса ащи ящикса ульсь пиксоц.  
Сонь лядсь тя мялезонза, мзярда  
решил, што единственной, конань  
вельде можна араламс пря—валгомс  
тя пиксть кувалмова балконцта алу.

— Сяда курук тифтень ломань,  
—макссь команда Куйбышев, мзяр-



да пикссь ульсь сотф чугунной перяфти.

Валгомок модать лангс, сон тусь главнай подъездть шири. Тяса Куйбышев васьфтезе часовойхнень эзда фкять. Сон долженоль ваномс Ревкомонь зданиять.

— Коса тон улететь?—резкайста кизефтезе Валериан Владимирович, ванондомок сонь тащей и щуплинькай фигуранц лангс. Тинь кулесть взрывать?

— Ато аш? Аф аныцек кулеськ, но и кунцеськ взрывщиктьке.

— Коса жа сон?

Часовойсь кувакаста уфкстсь и авакс кундась щёказонза.

— Ворьгодсь,—кяжиста корхтазевсь сон.—Бомба ёрдась, мон сонь цап фатяйне, а сон монь. Пяк хитрай ни, кодама бди заика.

Куйбышев насторожился:

— Заика? А шамац сонь кодама, ашить няе?

— Код ашине няе, пяк нльня няине. Шамац обнаковеннай, на-раф. Аныцек инголе кафта пейнза аш...

— Сон!—Куйбышевть нльня ваймоцка изь таргав.—Карасевич!

## 2

Вов ни пяля киза вятсь война революционной Самарась. Васенда кеподсь восстания Дутов. Якстерь-гвардейце тапазь сонь Бузулукть и Оренбургть ала. Дутов потась Тургайскый степненди. Аф лама пингс сетьмось. Эста ушедсть тюреманы вятма эсерхне. Синь организовандасть взрыв Самарскый Ревкомса, тряфнесть спровоцировать сапёрнай батальонтть, и наконец, анархисттнень мархта марса кепотсь Самараса мятеж и аф лама частонь пингс фатязь эсь кядезост ошть. Но большевикне тапазь эсерхнень. Сяда меле ушедсть Чехословакне...

...Васенда марявсь вяшки кашторф, тоса сяда резкай нюрьхкяня взрыв, вспышка, и серай качамсь вельхтязе кить.

Снарятне прашендсть окопнень эзда аф ичкози, конат ульсть шувфт Самарка ляить малас. Пяк пси кожфсь каннесь динамитонь шине и одс лазонтф кевонь шине.

Куйбышевть автомобилец лиссь ужеть эзда и вишкста тусь набережнать кувалмова.

Кить эзда кяржи ширеса прокс апак учентт кулевсь взрыв. Пульсь, щебенць и шuftста лункфнеф чепкатне лийкстасть воздухти. Телеграфнай столбась, кона ащесь шuftтонь панелть бокса, шерьхкозевсь, и проволоکنень ланга повондозь и цяторфса прась автомобилть эзда аф ичкозе вастти.

— Здорово!—Валериан Владимирович панжезе машинань кенькшкять и комотсь мастору.—Пажалуй тyani аф ичкозе, - шарфтсь мяль сон шоферть шири, кона вачкатозь шарфнезе и люпшнезе рульть.—Может эсьтейнек ускови?

Шоферсь мезьге изь ответа, и нармак конястонза кельме ливозть, ушедсь боком, аф уклюжайста лисема машинать кабинаста.

— Сявк тянь, сон чаендан сяда тѣдья,—азозе Куйбышев, путомок лафтубрязонза патрононь ящикть.—Эге,—корхтазевсь сон, мянде-вомок сонь сталмонц ала,—ветешка пуд улема...

Врагсь лоткась ляить тона боконза, офицерхне няйзь биноколень пачк, што якстерьхнень окопсон шири молихть ящик мархта кафта ломатть. Синь макссть приказ максомс несколько залпт синь лангаст.

Пулятне прашендсть малазост. Шоферсь пяк стакаста таркसेзе ваймонц, стака канфть эзда нльня якстерьгодсь, коняц ливоськотсь.



Сон кой-кода сатозе Куйбышевть и корхтазевсь:

— Кода ба афоль пов, а?

Курокста пачкодсть окопти. Якстерьгвардейцне панчсезь ящикнень и фкя-фкянь мельге молендсть Валериан Владимировичти: сон явондсь патротт.

Дряй тяфта можна рисковать?— шарфтсь мяль командирсь Куйбышевти, идень наивнай сенем сельме ванф од русай ломанць.

— Мзяра пингс тyani можете кирьдемс:—перебил Куйбышев.

— Илядсь, Ревкомонь председатель ялга.

— Кржа, — решительна корхтазевсь Куйбышевсь.—Эряви кирьдемс шобдавас. Минь тyaniкиге лия вастс усксаськ иттнень и аватнень. Веть эряви кенеремс отправить сембе паракоттнень Симбирскяи. Кирьтяда?

— Есть.—Командирсь коськста, военнайкс путозе кяденц козыреконтцы.

Шоферть мархта марса комада шаштозь лиссь Куйбышев окопта. Чехне танга нйязь сонь оцю, моцнай фигуранц, танга ушедсть ляцендема. Тyani пулятне прашендсть ёфси малазост.

— Нажимай!—ивадсь Куйбышев, ласькозь тусть автомобилти.

Шоферсь молись Куйбышевть мельге; Валериан Владимирович мязе эсь фталдонза сонь ваймонц сидеста таргсеманц.

Вдруг шоферсь лоткась. Куйбышев энерциять коряс ласьксь нинге кой-мзяра аськолкст и тожа лоткась. Фталу шарфтомок, сон нйазе, кода шоферсь, мязьгат ирецта, кафта пяли мятьрьдсь, келептезень кядензон, а тоса пильгонза плманжа видеста кармасть мянневома и сон стремительнайста прась мастору, шамац вачкодевсь тратуарти.

Валериан Владимирович ласьксь шоферти и кеподезе лафтуда. Сонь лангозонза ванць туманнай аф эрек сельмот.

Якстерьхнень окопта нйязь, кода прась шоферсь. Вздернутаи шалхка, сиволю и оцю трва од якстерьгвардейцсь, решительна ласьксь Валериан Владимировичть ваксс и корхтазевсь:

— Аде, туме. Мон маштан машинать вятема. Противникть ляцендемань тол ала якстерьгвардейцсь водязе автомобилть маторонц. Машинась трнатозевсь, мязьвсь аф азомшка вишке цятордома и курок Куйбышевсь якстерьгвардейцть мархта шарфтсь переулкав.

Айда элеваторть шири,—макссь приказКуйбышев.

Элеваторсь ульсь оцю площадьса. Куйбышев куць васенце башнять пряс. Тяста пяк цебарьста няевсь бойнь сембе линиясь.

Куйбышев крхкаста арьсезевсь. Сонь оцю серый сельмонза пйашкет ризнамада.

Кажетса сави потамс. Аф кирдъсазь миннетне...

Сон валксь элеваторть пряста и автомобилса тусь коммунистонь клубти.

... Чехо-словакне сувасть Самарав вейхкса частса шобдава.

Ошть сетьме ульцянон эзга шаштсть кавалерийскый частьтне, молись пехотась. Вишке бой срхксесь коммунистонь клубть инголе. Тяза пуромсь ведьгемончка большевикт. Синь арьсесть тюремс до конца. Синь ётксост ульсь и Валериан Владимирович Куйбышев.

Клубть колма ширде кружазь несколько кемонь ломатть. Синь ушедсть ружьяса вальмятненди ляцендема. Фкясь нятнень эзда куць соседний кудть пряс и виде наводкаса ушедсь пулеметса ляцендема.



Аф содафть эзда Куйбышев при-  
знал Карасевич эсертъ. Сон ляцсь,  
но макссь промах. Карасевич ко-  
мась пулеметть эшксс и фкя ми-  
нутада меле портъерась, конань  
эшксса ульсь Валериан Владимиро-  
вич Куйбышев, тиевсь сюфтемкс.  
Но Куйбышев ни ульсь комнатаса.

— Сопротивления, тьяни аш  
пользац,—аззе Куйбышев ялган-  
зонды.—Потатама пристантть ши-  
ри. Тоса учи минь паракход. Ста-  
ка потамс. Но мон уверенан, што  
минь курок мрдатама и прокс илят-  
тама эсь Самаразонк...

### 3

Сёксенда Москуста сась стака  
куля: эсерка Капланць ранендазе  
кафта пуляса Ленинонь.

Куйбышев митингса азозе:—  
Шамдомс Ильичть родинанц—Сим-  
бирск ошть чехнень эзда.

И курок лийкстась Ленинтти ва-  
сенце Якстерь Армиять ширьде те-  
леграмма, кона нельгозе неприя-  
тельть кядьста ошть.

„Дорогой Ильич. Тонь родной  
ошчень Симбирскыйть сявوماц—тя  
ответ тонь фкя ранацти, а омбо-  
цетъ инкса—ули Самарась“.

Октябрь 7-це шистонза Якстерь  
Армиять отрядонза сувасть осво-  
бождённой Самара ошу. Ошсь  
ульсь наряжаф Якстерь флага.  
Лама тѣжятть житель лиссть уль-  
цятненди, тядятне прядост вяр-  
кепсезь идьснон.

— Ванода,—корхтасть синь,—  
вов сайхть минь освободителеньке.

Митингта меле Куйбышев тусь  
чехо-словакнень бывшай штабо-  
зост. Моркшть лангста сон мусь  
кагод лист, конань лангса мелкай  
аф ровнай подчеркса ульсь сьор-  
матф: „минь курок мрдатама“.

Кагодсь ульсь подписьфтема, но  
Куйбышев сразу шарьхкодсь, кинь  
тя работась. Сон рахазевсь и раха-  
мань пачк азозе:

— Кати!

Мокшекс ётафтозе.

Г. ПЬЯНЗИН.

Я. Пинясов.

## Кузнять ваксса

Тяса мокшет, эрзят руст;  
Моратама марса,  
Марса наряжасаськ минь кузть,  
Пиндолды панарса.

Мороз атясь— якстерь шалхксь,  
Кузнять перьфкя якай.  
Кептерняса кандсь сон налхкшт,  
Ляпе ловнять тапай.

Кштий сон, сакалоц люкай, —  
Вармась ликштиясы,  
А од кизось вона сай  
Вадыжа лыжаса.

Эх, шумбратада, тинь, итты!  
Ялганякс кундатам,  
Марса такоргофтсаськ кить —  
Курякснема сатам.

Мороз атясь няйсак туй,  
Тейнь кадсы вастонц.  
Ардомс сон подвода муй,  
Эряй мельдень частонц.

Вов морозсь тулупонц щай,  
Байдеконцка фатясь.  
Ну, а тон, атяй прощай,  
Цебярелеть атясь!



# Антон Павлович Чехов

(Шачема шистонза сявомок 80 кизонь топодемати)

Антон Павлович Чехов шачсь 1860 кизонь январь 29-це шистонза Таганрогса, коса сон и ётафтозень эсь юношеский кизонзон. Будущай писательсь шачсь фкя кизода сядай инголе, кода ульсь ётафтф васенце реформась (1861 к.). Аляц Чеховть ульсь крепостнойкс мяк ся пингть самс, мзярда сонь атяц мянць крепостной зависимостть эзда, пандомок эсь помещиконцты тянкса аф йомла сумма.

Чеховть аляц, Павел Егорович, ульсь средний торговый предприятиянь владелец, малограмотной суеверно-религиозной ломань. Аф оцю торговый предприятиясь, конап ащесь аф ёмла семьянди эрямань единственной источниккс, вешсь оцю работа и забота аф аньцек семьянь оцянь ширде, но и итнень ширдевок. Чехов гимназиясь тонафнемстонза аф шуроста школада меле полафнезе прилавкать ваксса алянц, штоба трымс семьють.


1879 кизоня Чехов аделакшнесы таганрогский гимназиять и тяка жа

кизоня сёксенда поступает Московский университетонь медицинский факультету. Тонафнемок университета, тяка пингть Чехов заняф литературнай работаса, сёрматкшни юмористический журналхненди ся пингонь анегдотт, фельетотт, рецензият, бытовой очеркт. 80-це кизотнень пялестост Чехов арси литературнай средаса няеви фигуракс.

1890 кизоня Чехов алашаса тусь сембе Сибирь пачк Сахалин острову стама цельса, штоба изучить заключеннайхнень бытснон.

1892 кизоня Чехов ётась эряма Москуть малас Серпуховский уезду Мелиховский усадьбав. Тяса сон вятсь кели общественной работа

крестьятнень бытснон цебарьготоманц инкса: апак лотксек занимался врачебной практикаса, школань строямаса, школьной попечительстваса, шоссейнай кинь тиемаса и ст.т. Вача 1892 кизоть Чехов организовандась вача вастова крестьятнени алашань рамамс лездомань





сборхт; холернай эпидемиять пингста заведует холернай участкатылангса; 1897 кизоня участвовандай васенце всенароднай переписьса.

Тя пингть Чеховонь лиссть сяда содавикс произведенияза, кода „Палата № 6“, „Человек в футляре“, „Ионыч“, „Крыжовник“ и лият, конатнень эса оцю искусстваса няфнезе самодержавно-бюрократический Россиять неприглядной действительностенц, няфтезе интеллигенциять стака общественно-политический условияса эряфонц.

„Мужики“, „Убийство“, „Вовраге“ повестензон эса Чехов правдивайста азондозень оязоронь пингонь велеса крестьятнень мучительнай эряфсон, апак лотксек васькафнемать и обидать, кулакнень и велень администрациять ширде беднай заби-

тай крестьятнень неистовай эксплуатациясн.

90-це кизотнень пестост Чехов кальдяв эсь шумбрашинц сюнеда ётась Крыму. Ялтаса сон васетькшнесь Крымса эряй писательхнень мархта, конатнень ёткаса ульсть Лев Толстой и Максим Горький. М. Горькайнень мархта Чехов мяк эсь куломозонза кирдсь дружественнай переписка.

1904 кизоть ушedomок Антон Павловичть шумбрашиц сяда кальдявгодсь. Майста сась Москву, коса врачне арьсесь тейнза модемс Берлину знаменитай враченди. Тяся тя докторсь мярьгсь тейнза модемс Шварцвальду—Баденвейлер курорту. Но и курортське тейнза ашезь лезда. И тяся сон кулось —1904 кизонь июльть 15-це шистонза, но калмаф сон ульсь Москуса.





# ЁЛКА

Рисункась К. Марожихинать.

Н. Алемаев.

Елка, ёлканя,  
Пиже ёлканя,  
Тяфта мазиста,  
Коса касоть тон.  
Коста тяфта тонь  
Иттне сявodayь,  
Пионерхне тонь  
Школав кандодязь?  
Варжакстт эсь лангозт,  
Пиже шаль прясот,  
Валда блёсткав шам  
Пяк мази лангсот.  
Цебярь нарядса  
Щаф-каряф ронгце,  
Акша тёплайса  
Карьсефт тонь пилькне.  
Мази наряттнень  
Кожфкясь жольдерьфти,  
Денькав горяй сёкт  
Каркссот цингордыхть.  
Кода эвгонь пачк  
Синь цильфсна тарксефт.

Шинякс кеняртъф иттъ  
Налхксихть тонь вакссот.  
Елка, ёлканя  
Пиже сельмоня,  
Тячинь шить зса  
Ламос учсеме.  
Тячи од кизось  
Мархтот ширенк ардсь,  
Тейнек иттненди,  
Оцю паваз кандсь.  
Оцю павазса,  
Оцю радостьса,  
Тонафнетяма  
Минь пяк цебярьста.  
Елка, ёлканя,  
Мазихть тараттне,  
Кштизня-моразня  
Кельксихть тонь иттне.  
Сталин алянке  
Цебярь эряф кандсь,  
Касфты минь эсонк  
Кода мака панчфт!





Я. Пинясов.

## ОД КИЗА

Тячи тага мороз атясь  
Магазинста тейнек фатясь:  
Мази налхкшкат, шокалад,  
Сянкса мялезонк пяк лад.

Атясь вирьста кузне канды,  
Сась од кизось— ули ванды;  
Тейнек наряджай кузнят,  
Елкас мольхтям ваймаф прят?


Тоса моратам, кштитама, —  
Кеняртъф шида ули лама,  
Сире атяньке—мороз  
Тялонь кельмода тят коз;

Сиредеть ни, ваймак архт,  
Тоньге шитне улендсть пархт;  
Сянкса ваймама кучтядязь,  
А од киза тонь учтядязь.

Анокламе пара морхт,  
Тейть отличнат и минь хорхт.  
Ой, од киза куроқ сак,  
И од клубозонк сувак,

Тоса панчфкат и флажокт,  
Тевоньке минь цебярхть—клёкт.  
Сталинть путоськ седи ваксс—  
Тейнек оцю паваз макссь,  
Тейнек панжезе сон кить,  
Тейнек валдоптозе шить!







Питнец 20 трыошникт.



## Форматнода „ЯКСТЕРЬ ГАЛСТУК“

Пионеронь и школьниконь журналть лангс. Журналть нолдайиза: ВЛКСМ-нь Мордовский обкомсь и МАССР-нь НКП-сь. Журнальсь лисенди ковти весть. Подпискать примосесазь сембе письмоносецне, почтовой отделениятне.

Питнец:	1 кизос . . . . .	2 ц. 40 тр.
	6 ковс. . . . .	1 ц. 20 тр.
	3 ковс. . . . .	— 60 тр.

Редакциять адресоц:  
Саранск, Советская, Дом печати.



